

荀
河
詩
集

笥河詩集卷十九

大興朱筠竹君

庚子

及門半別發自建寧有作

非是勞歌行路艱別蹤黯黯水潺潺江郎老去休談筆
謝客游多若倦山萬里故人稀問訊千迴古壁慣編爛
平生遇物無忙處斗覺愁來愁亦閒

劉阮道中

劉阮徑接謝阮苔秀絕山光眼倦開稻穎漸齊同暑長
樹陰深綠覺秋來石頑底事逢灘語鵲噪偏知背影回

言集 卷一
我忽半年嶺外客故園花事莫蕪萊

將宿太平驛館有作

太平村記半年違暮色娛人折翠微雲濛略防雨拉雜
山明真辨石依稀此中嶺草偏工綠幾處溪蘭正弄菲
削絕巉巖皴絕水莫教游子憎忘歸

南雅口

嵐液溪香過眼前水流又半送今年龍頭去瞰屨巖壁
白水龍頭十里雅口來衝慘淡煙九曲灘頭短步探三
入歸宗岩路也公岩外上流牽浮生役役無涯感滅獲亡羊果孰賢

莒口橋爲水所衝東木以度有作

幽禽微啁忽無聲林外喧喧盡日征
瀑水一朝恒境失險崖百倍斷橋輕
客胡觸熱頻張蓋我欲臨流自濯纓
苦葉作歌風已邈莫將寂寞近浮名

自房村口入延平界望大橫示諸生作

老夫不惜百叮嚀建水今來昨去汀
半札劍光晴照水大橫山色翠張屏
雷華事跡空傳說常袞風流莫杳冥
羅李後生吾敢愛更期抱漢老翁經

上京亭

慣見山光幽復明誰將圖障手中擎
曾經癖討尋春陽若過閒亭署上京
日下人來日出率雪鄉思斷雪來賡

拚將明翠當軒酒消取今宵月二更

七月廿五日苦熱戲作

片雲盼不到樓東吟興何因借好風
棄扇無期俗自媚藏冰有制古徒工
蛩暗盡伏稀秋氣民裸長年似夏蟲
笑我北人忽著此差宜坐臥百花中

將去福州集張進士

明三

園亭分體得七言古詩

一首

五郡論文一日長諸生別我如違襁
舊雨倍惜十年前庚寅福士招三兩
張生水竹居傍郭東面鼓山屏鬚髮
當檻重池澤如麗朋友講習易所象
却歌驅駒勸客酒

此地真看平對掌木芙蓉罷榕陰留略得微風入人爽
北客畏茲冬日日片刻清涼背搔癢庭階禽語籠竹雞
裴侯偏思披鶴氅須臾酒至更翻盃射覆探花勝著賞
判將痛飲慰遠別亭宿將軍吾自仗興來杯數轉難辭
先庚後庚歲感往况二戊子門下生謂龔君景瀚梁君上國別一
何郎我所獎何君應舉侍行陳子昆陵詞陳君宋賦美盡東南快
俯仰醉翁雖醉客信佳不必琴聽各情恍燭闌去莫賦
黯然斯日之樂他年想諸君勗矣崇明德十載一樽付
天壤古人所到魂魄戀閩岫蜷奇此較敞谷梨精舍吾
留題有日重來憩屐杖

程量卿

秉銓

以岑山圖索題爲作長句

黃雲縹緲思如繇惜歛岑山吾未到此間想像似武夷
曲曲溪環流苒苒仙船望望水入山岑則山圍水絕喚
歛人罕喻以金焦足跡不通舟乃造六朝程氏宅其下
拳裳試涉濕前裊山中人自擬樓居美竹桃花種不澇
釣臺傳說訪簞墩鄭師山或遺非竈吾門程生僑住六
九十王母歸壑告族人迎置山之巔畢爾竈窰來慰勞
再約黃游迭主之綠螺餉客白筍餉從此青鞋踏霽雲
三色五色窮其奧松生石中石不裂或根粘石石外靠
蓮華飛鳥首啄天天都如卵爲之抱卵滑難捫鳥背騎

汗漫仙游別悔懊下來睠戀岑一峯去歎六歸心益躁
呼工以意圖別紙攜上天京走海冒我京師觀未題卷
來聞又見重錦幘再拜請爲贈別言吾烏能已歎吾好
平生山水真嗜欲愛而不見心百禱岑山空向畫中看
足跡違人驚老耄卽今霍童約不往洞天第一遙呼號
嶽五游四古昔誇一壑一邱吾已傲行當沿緣越吳去
妙境溫尋歸路導岑耶小小意得之京口重看圭握琯
山川離處或有合猝爾相遭喜得暴水鱗山翼悟適來
如人意亦非人操子兮山癖略我同妄語臥游詩子報

九仙山題壁

我游歷閩岫屢拭靈關屢何當別諸公瞥上九仙睽寒

冬十一月曠暄暖暉閃此間冬若春綠壁娟忽染拾級

大士堂亂柯掛灑灑誰移開府石

有總督李某題字

白鵬噉啄

嚙左登平遠臺宋刻苔剝掩周望萬鱗瓦列旗幾搖颭

斯邦信海會山外水澹澹五虎門東南海濤振天險渺

瀾萬梯航要使民志斂厓半陡傾圻絕頂步若貶寥寥

空所見島影著一顰長懷古仙宅九何飛冉冉兄弟美

神仙子季至亦漸

代我使者舍弟石君

飛鴻爪著泥偶爾落岩广

愛山非慕仙鳥能屈曲諂揮盃送紅日酒意暢鰲厓雙

塔忽不見盡醉勉束檢諸公情何厚難別咽瘖厓端催

燭更跋夜與折重簾佳處我一來留題興過剡

塔嶺亭別送者

一二心知類驅蛩塔邊相送態踟躕斜穿嶺處迷黃草
半墜陂餘綴綠松烏柏辭風紅未了練泉解汨落如春
我行依舊春山道一倍銷魂賦別容

秀嶺寄舍弟石君

芋原不比鵝原看小別三年亦大難塔嶺今晨攀秀嶺
謝灘昨路戀盈灘度橋若去朝天近少雁真憐顧影單
寄語連床數夕客福城量較已增寒

下秀嶺道中有感

寒陰壁翠轉鮮妍
暗瀑微喧倍可憐
人去山如各自媚
灘迂腸亦幾迴牽
困關石子量千斗
秀嶺松秧計十年
肖絕菱溪幾大石
歐陽躑躅此溪邊

峩洋道中

別情惘惘若咨嗟
北客遄歸興自佳
塔嶺已無懷雪意
峩洋曾記別桃花
濕懸秋澈冬逾韻
楓立山紅水更華
十里吾行去谷口
低徊不必子真家

谷口作

佳處環看山水屯
硎礪斧鑿便爲村
每因名逸思前度
曾是花明記此門
灘石不隨流水去
谷音猶覺昔人存

年文字緣來往誰笑羊公戀魄魂

三个嶺作寄示古田諸生

慙我何能王豹謳古田枯壘亦荒溝亞邱老壑多蕪穢
常老新詩少贈投官役忽踰三个嶺鄉酤且憶一間樓
諸生經記從師問學舍先生屋打頭

謂舍弟
代予矣

三都口

長松轉覆亦芬芬潮通延平徑不羣元石生崖裂白瀑
紅林老葉撼涼雪福山一夕拋旗鼓劍浦重源射靄隰
從此三都口裏去峻嶒滄峽莽難分

武步道中

琤琮蹴踏耳偏宜落葉鋪來竹轎移寒潦綠光爭蟻酒
老楓黃意比鷺兒間田石忽驚牛卧薄暮霞真想鳳儀
此是仙源第幾折人間步武莫差池

將宿清風嶺館作

清風四度底須忙山樹蒼然趁暮光樨見十圍韓老句
黛參千尺杜翁行玉池肥頂天聞鼓雲籟蠲塵人上堂
福境難消頻冷卧同仁橋側轉傍徨

白沙嶺

石見如人露股肱涼風薄板又來登沙中銷骨千泉洗
嶺上剛茅萬髮拂幾樹簾楓紅積徑一橋亂濕響過楞

仙餐極自分丹白吾愛芒鞋踏老僧

岳溪

梅花石罅偶然妍嶺折迴旋別有天危磴碁重十二子
頽林椿大八千年研山靈壁虬王屋栢水坳堂芥子船
若假岳溪圖作卷石邊沙數勝波邊

茶洋

畧過危嶺入茶洋面面危灘縹短牆柏亂梅花毬未落
石驚龜殼蛤堪嘗好窮怪變平知好冲澹蕭疎妙欲忘
一葉落紅飛竹轎拈來莫似靜中香

吉溪

吉溪晴午照波明頗有精廬跡未更地僻誰傳漢老叟
橋傾不覩宋先生標霜楓葉隨流去汨沒灘聲送客行
劍浦吾來離合幾浮身明悟送還迎

麻梨

秀絕山圍幾鬱盤麻梨微近最宜觀遠橫若見生梭嶸
寒靜猶聽老激湍屈伏重岡茅脊怒沈寥延水礫痕寬
稻田鉅石光深黝石砦農來坐却端

十里庵道中寄問永安吳爲鴻李度

迫暮飛輿轉日南沿緣深涉一潭潭不貪氣識雙龍劍
將別神怡十里庵頗喜三山簷褒合若憐六迓李吳堪

唐賢未必詩相貴疏義何人咀更含

九曲移居圖爲孫霖羨門作

曲曲尤奇水在山諸巖且待暇時攀賣茶客到君須避
穩坐仙人蛻骨閒

龍潭壁上攔船人大會曾孫怪底真莫唱人間可哀曲
全家已化白雲身

邱墩作

水東流覽境非遐雙塔尖澄顧客誇李陽何心辭蕢艸
邱墩不意見梅花栖遑嶺戀風篁美黯淡灘空水研佳
吾老行歸日可給山川消得此年華

陳墩

山明偶爾著雲屯佳絕何從強較論
林露纔蓬飛建水灘喧屋舍隔陳墩
寒暄若煦藏春地宵魄應敲啄木門
早是上京亭外路不勝怊悵把唸尊

高桐却寄何林龔諸子

略別三山十日中水聲漸覺建溪通
菁茅不縮離樽意楓柏偏搖歧路風
烏石游鱗觀小李龍門人說過高桐
談經諸子如師鄭易地吾還嘆道東

房村口

前亭村口度潺潺略覺閩中此姓慳
適別大橫五桂樹

因懷羣寶兩房山曰歸輾轉羊求徑此處低徊羅李間
野蔓絲絲如意亂不徒肖物組兼綸

莒口

合是難忘莒口天一彎環處便成妍良田稻意峰圍裏
好壁梅香徑折邊宜長子孫真計得若消風月亦情牽
江郎枉結生花夢碧水丹山只一年

八仙道中

尺水銖山皴絕工微陰薄暮恰朦朧楓香路盡奔麻屨
壁翠樓仍貯禿翁密邇武夷真隱斷荒涼北苑古賢空
八仙道上今猶昔面目公然略不同

南雅口作

諸生風度宋人貽
曾記春來相識時
自李自羅疇請業
以南以雅要敦詩
清流浩渺都原壁
美竹青葱自引鰲
若稱山川名字號
吾門蕙樹更蘭滋

發太平館作

行色雲邊透薄暉
雨聲向漏撼床幃
先春得氣梅纔放
出岫無心雲欲歸
老去江淹花好賦
別來雷煥劍斜飛
北行處處都堪誌
不惜囊錢更上衣

謝阮

謝阮昨霽注難收
雨過山山色媚柔
篙觸波驚磯白碯

村祈饗藝梓青牛前來列炬昏投館此日環峰翠照洲
未識晴和陰孰愈溪邊略覺婦呼鳩

白水園

聞行弔古悟還生宛轉回旋陂復平危瀑漏天不得咽
崩雲號旅偶然橫小灣白水搜元代孤石烏豚涉陸阬
庚午年從至順歲名園一例洛陽更

報恩塘作

涉世還從客共論與無相與道斯存山僧聊復談宗佛
亭尉何曾解報恩瀑注逢坳橋濟產寧盤當徑郡留髡
未須取道吾行止四十程眠穩夢魂

緣溪忽折儼篷舟
鱗瓦通橋妙略收
幾日砂楓辭峽裏
一巒煙竹記宣州
阜阮棟子懸如鏡
福院蕉陰碧過秋
縈繞何堪情緒亂
莫教好景又盈眸

七星橋

迂道層雲指石門
橋過七里七星存
隔年灘髮青如滴
傍柯山桃紅欲噴
更與試巖價往度
似因躋勝認斯村
武夷小小親來別
莫做精神心自捫

北津

挽舟難爲下流從
仄徑行看最上峯
西進陳人七尺碣

北津高堞百年松佛灘隔岸跳珠舍仙戶遙山撼玉鐘
此地由來得奇勝朝來靜氣一時供

望巖

一壁關心斑駁紋忽從村轉路中分挂厓朽樹疑秋濕
劈面奇峯非夏雲石狀巒接全費想泉音親切恰宜聞
巖扁小隙吾曾過茲喜來游未薄暵

宜君溪口村

宜君溪口靜關扁絕少人來此地靈木閣支街三洞秘
高松壓屋六朝青連林茶汁供匡照滿頃禾根足亮甌
誰說仙源漁獨到歸宗游罷我行庭

過交溪作

曉來山麓景和冲步步梯行輕汗融胡豆村邊圍密樹
交溪嶺上遞涼風北人差覺冷然善冬日須知吹不空
此去閩南千里近阿誰話我薄寒中

豐樂

古路懷人亦可驚低徊撐觸偶論評道途亭子穿豐樂
節候梅花屬廣平一寺歸宗山不死三楊文敏碣猶生
九原倘作吾從孰鷗鷺悠然心自盟

中橫憶石君是日得書

丹山碧水癖予思十日行行十日癡小曲游仍九曲意

甌寧歸宗岩中橫別似大橫時鯉魚書到懷人切樟樹
有小九曲欄園多越陌疑底事殊鄉去汝戀子由四海一心期

出甌寧界之黃口有憶

含來山媚未曾申顧顧籃輿不著塵紅意飄零風攝攝
白痕沿溯浪粼粼自投福地書僑寓敢托常有故人
忽別甌寧界外去前頭黃口鳥音新

自黃口度嶺折入宸前

石關恒過卽奇逢上腹窮奇尙萬重入嶺膏肓謀二豎
嬰崖齟齬擾羣龍一盤幾落湍交擲四蔽孤通影上封
且乞宸前小飯去到亭風月暢吾胸

宿清曠亭

面壁聽溪若有因又乘望候夜光新初經碧水斯亭主
未到黃山與說人日月不居松下客煙霞幾宿電中身
風光如許吾流戀樂死何妨對客論

過建陽橋之水晶窠作

環看峭壁與新磨寒水斜飛澹澹波賣卜橋思文海硯
謝公卜卦硯送人客立水晶窠異書熟讀能撐世放膽
程文海錄之成章莫著魔南宋風流元尙在考亭祠下記熊禾

油源

折到油源第幾灣下田上嶺界斑斑白哇波及松根潤

蘋影光分萍葉顏風物奇原屬閩越山川秀竟絕甌蠻
建陽又過明當別不信吾心總不關

麻源

聊當游仙送復迎忽忽未厭壁間行楓林脫盡人歸去
石嶺盤餘歲換更四合日翳茶徑杳千流響在玉聲鏗
連牆板屋人家好總覺麻源境不平

仁山亭

屢折回溝異井天杉枿竹葉略盈前不憂暮電欽岑走
已判寒暄風露眠空想行庭得艮卦古懷資治有前編
仁山名好吾行記十里顏怡樟樹邊

將宿營頭館中

紫靄騰騰光亂投
暮行客許日看偷
只因官限風傳驛
難戀山空月上樓
嶺恰梅花沁安口
人隨木柶下營頭
石重波複茲良夜
判對床霜帳不鉤

營頭館中梅花已開有作示客

十年曾記來閩粵
營頭館中蔭老樾
老樾樟根儼尙存
四宵又見梅花發
梅大三圍種百年
珠英玉片生霜浹
曉來白粟驛路痕
怪底香心此中拔
我行歸路見汝來
喜并今宵皎皎月
人生所值安得同
梅月遭予與飛越
便呼大白偕吾客
樂飲相看清境竭
老樟踴躍態軒媚

似喜梅開葉搖攢長年閉關人不見此際適逢剖慰剛
庭中寒氣陡然忘月白梅青人飲罰非徒罰我爲賞汝
梅花無落月無關移情最是心所愛光景流連趁一髮
他時憶此只惘然羅浮有夢宵難歇

發營頭館中

寒雲薄映日昇昇竹轎人行間空腔縣底宵深才結露
營頭曉發略看冰前期風峭除年味別地陽驕春令徵
北客渾無思暖志魂清骨冷看峻嶒

龔墩

日上征衣未覺溫巖阿若有白雲屯依然松顙蒼諸嶺

瞥爾霜痕縞一村
甌脫灘身迂建水
嚬飛亭子盡龔墩
雷華過去江淹老
豔絕才驚誰共論

陳鋪

破碎波聲折半鉤
盤輿小住發陰喉
樟園浪外羣鳬戲
櫻立村邊一馬投
截水鱗灘偶當開
衝厓嶰舍揔爲樓
此間佳處疇留滯
陳鋪端宜試飲不

將飯馬嵐館中

澄澄綠水饒樽醲
陡轉前厓複更重
憐別最憐昨夜月
隔河又隔外山松
勸餐若慰嵐名馬
回首難看坊字龍
海上仙儔休惆望
爪鴻已落浦邊峯

坪洲

車蓋浮雲送復迎
長年役役亦堪驚
風亭戛玉山成障
沸鼎生花水作坪
路已難行歌適土
佛猶乞食惻勞生
隔河屋舍桃源似
秋熟春抽計莫更

自何嶺之塔嶺作

又來天上歷星垣
參井芒侵冷不暄
何嶺如爭伽塔峻
蔣溪或異山亭源
兩嶺玉並茫高下
三縣牙分溯本原
小駐藟藟乞一語
諏諮願以慰輶軒

大湖嶺

野大于湖忘跌蹉
陡看齒齒石根蕃
人如蜥蜴緣牆貼

逕是蚺蛇引線拖上頂楓孤樟失縱過厓竹美檜輪多
杈枒從此連諸嶺輒爲輿夫喚奈何

自石嶺之臨江街

裊磴帆岬意難降未肯匆匆別此邦日射玉煙穿石嶺
山圍床錦疊臨江文魚已剖言非一麗鳥知歸影不雙
層疊三山遮不見懶餐聊自引金缸

庚子冬仲舍弟石君代余視學斯省十二月十八

日余還朝重過臨江街余氏之喜緣堂疊前

韻一首

敢恤馳驅道路賒斯堂又到若爲誇四番星使兄偕弟

一歲文衡近豈遐信宿客來加飯好負輪室頌繞山佳
喜緣從此添新志碧嶂丹流借我家

迂迴塘作

攀登上嶺騁奇恢秀色鋪來苔到莓空照寒漪穿約略
致佳古戍額迂迴此間夢易江淹假多士情難常哀回
脩竹萬竿楓百樹碧丹影裏倍憐梅

游夢筆山三首

江公亭

無邊遠態六朝風致韻江山坐令公五色才淫一字憲
千春亭小半厓崇情爲古別瓊枝得地卽銷魂露月空

略覺吳興舊縣裏不煩竹碧又楓紅

楊文莊公祠堂

西崑體盛大年殊同姓楊公殿館趨父子名追德裕李
君臣直過永興虞黃袍幾見環匡誠彩筆庭承精舍娛
底事御屏寫好句山中松菊坐荒蕪

西山

魁儒亦自愛霞煙結構江郎岩一邊布策席當衍義日
無裝嶺不志溫年先生故里在魚梁嶺下西山修進股楹俎東海
艱難陸相肩寄語松溪人數典衛公竹意魏公編

仙陽亭卽古之遷陽鎮也

去城十八里過時古意離懷不自持
夢筆小山樞院碣
遷陽昔鎮醴陵詩游仙客少亭中寐
賦別情多嶺外思
才盡亦應隨老去聊爲風國水傍詞

畫牆頭

來朝路越此邦修前面魚梁略滯留
戀別山踰新嶺口
愛圖人度畫牆頭松深竹淡然師潑
畦近灘遙宋院鉤
安得送行描一帳諸生強半列仙儔

魚梁嶺

勞生迫歲役駢駢連日晴佳午弄暉
鳴樹音窮仍泮凍
魚梁人去却吹衣無裳莫過歌何切
有瀑澆畊願不違

天俾來牟閭越飽吾徒緩緩驛程歸

血紫塘

魚梁嶺下翠看屏幾折爛熳徑杳冥兩壁戰深談血紫
百年老盡漠山青李公疑信唐文弔真叟崎嶇宋厄丁
又是無涯懷古意此間險隘接漳汀

自杉坊五里之吳墩

皺錦山圍曲似筐日斜人倦畧平望抱陽竹詎鸞鳳粒
拔地杉從鸞鷟撫卒歲此壘冬笋但奔車何事邑肝嘗
低徊屋舍吳墩好借問南村一角牆

梨嶺

別悰惘惘總如麻
嚮夕輕寒怯嶺賒
疾走嵌岑驚石壁
關門院落憶梨花
無何日飲多歧減
可奈春愁隔歲加
竹閣逢僧却了却
十年前吃趙州茶

楓嶺出福建界

頗怯南歎戀朔空
未知歧路卽西東
蚶蚪螭斷灘中石
璀璨砂希嶺上楓
晏歲何堪層嶂別
早餐略耐幾竿風
故人躑躅炎雲外
我自加裘憶爾同

大竿嶺覺悟師肉像

裝金未必勝摧枯
我擬同龕共一蒲
上嶺難於下嶺易
大竿痛又小竿瘡
浮生已失三千界
喫飯仍來廿八都

公悟晴絲飄漾不天風吹著石都盧

珠坡

飯餘興去壁逾頽天半仙霞列劍戈交戛聲辭倚竹間
亂跳瀑引上珠坡故人此去風和雪將子能來濤更波
不斷飛霞纏去徑欲遲度嶺日驚梭

嶺上重續周櫟園先生題句

四度頻來竹檻憑岫雲到處偶然凝仙霞嶺合通人過
天雨菴才晴日升小記曾諳百物海新詩又讀一池冰
樵溪樓上親題位此地低頭拜亦應

峽口作書寄石君六弟

三卿村裏路生光惜別翻成日月忙溪上千樟辭峽口
天邊一石晤江郎問禽未許頻傳語建水何因重飲湯
獨有先秦兄弟好慙他相守碧雲旁

蘇嶺

未是寒行路恐稽致佳風日總淒迷剗天拋石窮蘇嶺
咽水鳴灘絮建溪于役六千闕海濶諷書十五籀章齊
今朝又向江郎去觸響關情到竹雞

花園岡

微颺拂面不吹塵幾百圍樟樹有神東極塔根水自灌
花園岡外路如春大寒節值人踰嶺古寺茶甘僧共賓

歲晚霜嚴萬里外輕裘剛試北歸人

江山七里亭

巉巖夢去石消磨興穩依田平不煩縣水迂迴來七里
浙山重複似層波早程塔影斜瞰照除歲田稜露麥科
情重嶺雲飛疊疊何堪越陌度阡過

渡船頭

渡船頭側景能收漏洩春溪態略柔兩岸驛亭如畫閣
一聲渡楫卽簫舟遠游底事山光愛重嶺何情客意留
去住都難何所著半生逸趣付滄洲

後溪街

石痕沙跡儘安排村落雲晴斷北楓灘意橫陳前渡日
松聲亂落後溪街銷魂光影江淹賦墮泪山川羊祜懷
不到江行已如此浙東佳處眼爲揩

將之栢林道中

過嶺山知秀色饒咀含別味總難消宿宵奇戀獅山石
飯頃青看蠶豆苗傳食百年桑梓邇懷人重障鼓旗遙
道逢心賞行車客前後追隨尙可招

項家橋

西安界過路逶迤去去田塍塵不吹入項家橋圓鏡裂
別江郎石大冠欹地平略喜安魂魄天險長吁遠別離

前路又將扶櫓去暮雲此際馬驅宜

二十里街

陸行略趁晝光晴
艤楫前頭寒溜盈
二十里街衢上水
三千士類粵餘情
故人衡宇車疇過
晏歲江湖酒自名
來日挂帆乘瀨去
城南躑躅尙遺聲

游爛柯仙洞

三衢舟檣弛擔柯
停帆不發游爛柯
爛柯山古魏逮晉
王質挿斧樵嵯峨
石梁杳祕二人弈
徑走離立看不訶
安期大棗顧與啖
忘其枵腹纔頃俄
代更世易趾未舉
罷弈者去柯曉眠
灌然爛盡餘斧鐵
歸來城郭將無他

人民已非子孫盡悔不仙學悲蹉跎三千載洞今視昔
我來一訪初升阿老鬚一松五楓繞捫折但見岩礧礧
梁餘佛寺擴唐代妙嚴像塑果結羅越寺左徐忠烈墓
天鹿麟似羊疑薨豈慕仙居骨穴比死矣尙怖鬼瞰魑
石坊轉登到石洞如橋窟復如城邏彎環上頂中複夾
一隙駟舌張口咄蒲伏人行上塔徑半額絕省頭傾頤
未須造極洞中好南北看盡山委佗一重一複驚浪疊
若舞翻翻飛傴僂下俗顛危萬萬仞不一來試雅跌踉
卽今洞中遺像坐半坪未歇碁搓捫飛光彈指人送影
五了樟老過梁多貞元元和唐碣在宋元名輩游婆娑

續溪駐師文長筆斷裂前代遺凱歌我徒來聽碁響落
七日吹息一吸呵桃花源無論魏晉今去魏晉亦不那
其人已死鴻爪偶霜痕霜跡爭磨礱恐石漫滅以紙拓
好古可笑翻滂沱山鬼詫客風聲發淹滯未許昏緣蘿
名山回首不可卽勝處莫狀勞吟哦客慰山行呼酌酒
薄醉且試顏微酡來朝扶棹江水去別爾仙洞情如何

女步灘作

閩灘略遜此汪汪樹遠雲空江有光翡翠兩三雙不見
鷺鷥七十二成行素心佳客同臨鏡良會清談似處堂
何處高臺人避債方舟極樂恰滄浪

小李步

竹篷橫檻永朝憑十丈棹開喚不膺雪溜纔看小李步
瀨聲若聽古巖陵閒牛不抵雙乾鵲急浪知消幾薄冰
人意年光都韻絕任他屋壁狀崢嶸

烏石

盼盼七里灘烏石試排闥左崖兩巨石右墮偶滑澁或
云兩老貝吸光腹苦漱疾雷一擊之化石守塞闕千年
長水邊看舟七里達酣然一睡去風閉舟擁塌厥態何
蹢躅中空齒牙齧外殼鬪雨風薜痕病疥癩妖物假爲
屋中弼臥老懶外灘歲祭魚漫藏雜腥腩昔歌人通衢

今愁默餘鬱物情有所利浸漬縱芽蘖天道如戒盈此
獺理必繫愚夫過而貪獺榻寶可割曰可以辟寒懷利
轉乖刺俚談付舊聞怪狀致衆喝客行逼歲除顧爾笑
麤礫

庚子除夕泊舟七里灘之西口作

役車其休日一線我乘水驛勝陸傳經年閩水復閩山
歸去佳哉魂魄戀踰嶺十日更此度七里灘前山面面
泊舟西口小江南廿九歲除天一旋複重無路昔人誇
柏脫樟濃春欲變四圍綠浸人中央莫是仙壺幻作甌
廳中貯酒飲亦佳况是同行盡羣彥吾生年得五十二

來日加三游略倦六千
師路七里留嚴子陵臺真屬眷
披裘記得初生月遮蛇
竿是頻年諺了無求益偶遭光
敢信非知漫比璦冬山松秀自招人乘興而來疑曲院
瀨聲送客古復今信宿寒江風靜扇心清共水冷太甚
合付澆腸酒酣戰佳賓盡醉各忘鄉勝絕江山今又擅
酒樽十載感前後樂飲流年誰不羨百齡除日幾浙東
大癡盡好應開絹他時山癖名竟成未數西臺謝客傳
宿七里灘寄石君

客意清冷歲向闌難忘過嶺碧兼丹日嗟予季三山署
可計年除七里灘雙鯉夢中各自媚一宵江上若爲寒

謝公行處吟都索更作春來池上看

晉河詩集卷十九

笥河詩集卷二十

大興朱筠竹君

辛丑

辛丑歲朝作

小江南挽半帆篷加歲青松意略同
官役纔除炎嶺外春光全到冷灘中
六千里客情原逸五十三年律漸工
佳處釣臺相傍否高山長水穩眠風

早發富陽郭

煙意偏多雪意微薄寒篷檻欲添衣
波依山脚城臨鏡山挿江心縣自圍
華譙湖邊人各媚春船天上客須歸

富陽信美吾頻過
恰趁清遊開歲稀

梅花有憶

見處頻將古幹捫
冷紅薄慍我思存
花時似慰三生夢
別後猶銷幾夜魂
冰雪心情何敢密
江山氣候若爲溫
只餘一棹空歸去
斜掩荒庭啄木門

過高郵有憶

茅屋比門湖水盈
綠堤老柳未芽成
前途或記看花洞
昨夕吾眠覆釜城
淮海跡經多淚處
雪風人動古離情
關中過從從頭憶
底事春鶯斷好聲

寶應道中買魚放生次沙生

鴈韻

生意沙邊襯嫩苔無端刀俎欲陳來馬肝論妄何勞食
蛇影心驚若誤杯且解囊中羞澁去不妨浪裏跳梁迴
斯須略忍饒涎住爲爾觀濠信樂哉

相忘難得是江湖生死須臾客握符境絕倍思蒲藻樂
魂飛猶逼釜鬻孤直鈎吾道原張釣箸饌今朝判罷厨
歸去盆池能活汝夜來若泳一方隅

渡黃河

渡河千疊浪難名倚櫂欣然歸計成北望沙痕空水氣
西來河勢挾風聲五花塞上騎宜試一髮江南山不生
客自炎歊天外入今宵鄉夢恰清清

宿順河集示秋士春厓

去觀閩海疾如飛，經歲春風仍上衣。
鴈煖漸盤鳩性化，驟聞散齒麥苗肥。
消磨文酒年將老，陵越江河客亦歸。
今夕順河河上宿，周蛩二客共因依。

峒嵒山

不見星驅覺路艱，非關秉燭暮遊嫺。
我浮河瀆惟行野，路人峒嵒又見山。
戴石呼祖名更雅，踰淮化枳役將閒。
獨驚雪退歌零雨，未必依依楊柳鬢。

自蒼蛇墩上堰行

上堤周望暮煙濛，盡日陰陰曉不紅。
暢望良田五果半，

益思佳醞二蟲中文鷺共一沙痕遠火柿餘千樹穎空
可惜齊東陶令少不將草屋構畦東

郊子祠

在縣十里舖

舊落烏知古縣存傍郊十里廟碑捫達人謹告東家子
遠祖無忘少皞孫以烏爲官紀尙近猶龍可見問同尊
村翁誰與談鳩鴈茫昧農軒異德門

渡沂河

出李家莊

早餐欲罷褰裳衣舟機涯千待渡沂蒙合諸山古溜下
青名一郡近川歸李家河澈當郵正魯國泉溫別注非
今日重過一曲直與梁又逕府城圍

大禹厓

撲面北來風人登宿雨中兩山川屢見一路堠橫通村
樸山東古厓危神禹功春田須沃澤莫惜濕衣烘

雙堠道中

昔晦今昭霧共煙高厓深谷陌仍阡一輪直落蒙尖外
幾段斜飛鷺影邊遊跡略謗江海逸客心難定雨晴先
雙雙堠子看人過漫說辛年三去年

厓子新月行

今宵倍覺影形親雨去還來月照身春柳稀疏自名士
夜山約略稱幽人何能履道占貞吉頻欲移居結素鄰

舊隱西山應好在七松隙處此中真

入新泰界夜行作

過行幾欲罷吟謳乘夜光陰間敢偷風送雨絲輕着面
雲搖夕影欲迷溝羊公改縣將縈夢杜老催詩莫打頭
驛館漏深仍待客連宵自笑暗中投

葛溝道中

高柳藏芽鰕幹紋朝煙略與繚網縕踰溝客看徂徠雪
觸石人愁泰岱雲賦臈何妨巾角墊硯膏已足麥苗分
簡書吾畏清明近亦欲懷歸上隴墳

浮邱墩

片雲出岫本何求且賦歸來路尙悠履道長年看短堠
遊仙今日挹浮邱意中雨外成朝暮客裏風前似馬牛
悵悵羊流舊里過公如有淚我無愁

燕語城墩

驛置頻來亦有情二年前却緩依程客愁夕渡齊河水
鄉韻亭聞燕語城經峪雪中如遲客銘厓頂上有鐫名
投龍記得開元字底事匆匆掬未成

過靈巖作

曾探功德頂升堂皮相猶驚巖四旁孔洞心通傍浮渡
厓巖面黝誤江郎獎枝改指松身錯邕字無刊山背藏

悵望空歸羅寶刻何能滿榻壯奚囊

過交河紅杏園墩

向北還知風物良六千里外別閭疆
玉華洞可成仙夢紅杏園墩傍故鄉
古道河痕暖尙濕高林柳意淡餘涼
我來爛漫花開處春半仍然藏妙香

十王殿

天支語計鼎銘陰一代梟雄迹亦沈
三狩窮荒駭逸獸十王遺構噪哀禽
空橋單老曾經戰入陣燕師竟不擒
得意湯湯白溝水無涯瓜蔓鬼啾吟

上巳日陪錢籜石侍郎前輩遊法源寺歸飲敝齋

卽次見示之韻

海嶠歸來喜暮春依然古寺看花人甘泉忽感徐書失
徐良書甘泉記不可見 寶塔重摩唐字真樂意彭錢原未老閒遊

上巳又抽身追陪古柏林邊過更約紅棠放足辰

貢舉人忙未鎖題踏青猶及到城西深杯唸舫宵應卜

小友春盤年詎齊

時入坐者皆及門後生也

尙有老成驚並坐不言

桃李愛成蹊高軒得過須酣飲略媿相供但黍雞

送鄭君遠芳還莆田

莆田山水秀層玉鄭生舉舉公車躡一朝忽別西山青
曰歸將母無留囑長安軒蓋日不停胡不少淹決計行

潘岳閒居尙能賦板輿繫爾松菊情人生至樂誰似此
有親養事從此始青鞵布轡非惜泥復嶺重波足嗽水
君行朽藥婪尾紅君歸木樨新涼風一尊跪奉北堂下
憶我椒花薄醉中

送周夢莊

有子來舉舉命名擬漆園古之養生主曰可以事親
南山水窟緣意遺皺雲天風動層壑崖石翻波痕此中
一尊酒搖漾天無垠持之供高堂翁老能飲醇幾從計
偕車歸話燕中山何須五寶兒南華娛老人大年與小
年逍遙此清溫大瓠浮江湖反面致汝尊

辛丑閏五月朔青陽吳舍人約爲二閘之遊同舟
者貴池杜尊季武進陳秋士天長唐孟泰大興
王春厓閩洪穎伯越日孟泰有作輒和其韻

江海歸來人鄉水溯亦可況兩月城居楚羅自包裹北
方熱未酷夏令閩中火吟舫雖蔭綠烏能長兀坐及門
招我遊東便迂轍堞舒晷泛城溝遠意胡不那出郭船
早機徑踏不問舸壑撫虵後尾泥滯龜前果須臾我友
集舍車且息輟舟發儻五里閘口大張哆百尺瀑澎湃
羣嬰泐其左人世真樂險惡浴此亦頗過聞吾放纜拍
手欣欣兩厓貴人藏差覺別蓬穎照眼黑琉璃白石

揭當柁弄樺兩小兒額髮纔覆髻沿緣十二程綠淨樹
罩夥此去高碑店一髮天門鎖中間干漈洞足急望其
跛樹濃浸浪淡冷風微簸我行江以南少此碧天墮
菖蒲影拂劍蘆芽勢激箭放飲客盡歡拚醉情亦亘泊
舟草間步雙亭態露嬌無人隱叢樹客醉意欲鞭芙蓉
花未披葉已垂朶朶興闌一轉棹層雲澹嶮嶸水邊惜
少石天際想懸硯衆客齊伸眉粲笑失其情但覺快忘
筌豈復疑壓卵忽憶建溪灘一葉石罅拚性命賊呼噏
此安坐塾塚險易境則殊由由偕程裸逍遙巨壑鵬辛
勤細腰羸所遊均一適窮大等微厯渴固欣醲醑飽乃

甘果祓今者亦何取妙趣屬澹沲陵越波濤身歸遊得
吾安落照滿高堞瓶倒遺爾我去去樂豈疲勞者歌其
痺

寄金海住先生

一宿光躔八秩仙侍郎清望輩真前老酣湖色三千頃
夢惹臚雲四十年舍弟經傳科卯記同年子謁使閩旋
春秋勝日公應惜莫忘毛家步喚船

加飯安眠百六踰東坡兩倍日瞿瞿榘漿果味甘回饒
疏廣田稜影亂蘆七葉貂何誇姓望一簾經足稱名儒
筵箴抑戒平生擅且賦春光九十姝

送伊墨卿歸寧化

陰晴不定胡歸去奇雲若罩消魂路春明下第幾輩人
獨子新知勝交素君家丁字水南頭梅花鋪地山作樓
誰釀芳風醞芳魄白鷗騎山仙之流我遊欲趁溪花落
不覩烏村石淩嶠朱塵影裏逢玉人恰倚芙蓉折暮薄
人生有情花照水令人盼盼古人死萬卷讀破見未遲
何事離騷目成美虎鼠用否直一咍爲茅蓀蕙非吾儕
君行畧作衆香國馬蹄又疾東風來伊郎一棹聽波小
枕流夜夜江湖渺到家密葉簾聲多吟舫懷秋人欲老

書周翠渠先生手書卷後

墨妙愛其人儒林更所喜唐刻宋轉多我家子朱子間
餘逮前明福清漳浦起孝宗朝周公講學博爲事早年
志于道醫間白沙時海天空濶書十傳醫于市歸厥孫
龍光再藏斯才筭興化而江寧飄零二百祀康熙甲午
獲六十八年矣辛丑示我題錦裹玩表裏想公友白沙
以實洞本體華苗與毛距穀種鷄卵擬寓書李右厓不
徒靜守已李子笑鄭君右厓詩曰莫笑老慵無著述真儒不是鄭康成所見夫
已俚公嘗弔叔心正路學可恃深造憾未艾心賞溢頰
齒浣衫木蘭溪賀老遼跡似祠山教民篇不惑智肩仔
管鑰到字書小學究顛趾故其所流傳餘技腕力使斯

札從何來南京南宮仕

公嘗官南京禮部郎中

家起自閩中天共

海無滓我心空濶如如玉不減理雲煙又瀾淪海天纖
如泉物之若有則等之若有禮子贛聞文章性道精所
以聞見宣尼多游藝終志始後儒不解學闢佛處其里
共角尙何爭巒觸闢不止妄言放心求無礙浪騎騁東
傳注高閣茫昧姬復妣達摩無文字工拙况所耻殆哉
爾學人六藝斷發敢滂沱孰好古彭錢死不俟偶因論
公書大言振宮徵未知吾醉誤書者濡長史潑墨四漫
一折釵間缺珥此真宜世寶此詩藥聾耳

伊比部用侯以梅花書屋圖索題爲作長句

水向丁流何滾滾朝斗高巖勢礚礚若高壓水人縱目
朱白梅花十萬本惜我遊時花未坼興穿天綠冒葦尊
出林上山俯更瞰元墓風光心自忖改春却過香雪海
紫醺噴人醺混沌若教兩處應候開吳盛公然爲閩損
君家寧化汀一角春花早落厓空尊我行妄憶曹家詩
不踏烏村奇憤懣石罅家家梅自開圖來先破君家悶
素光撐觸亂紙上一派幽香洗腴浥空韻無從畫手造
君憶汀花意誠懇空中有色入卷中慙我遊情舞樽罍
忽覺當時花滿樹補入杈枒心眩眩風芳雪爛過眼無
夢罷羅浮翠羽嚙勸君且畧佳燕山三冬結屋低車輦

地爐文火蔽綺疏豐宜多購盆梅穩暗香斜影燒燭照
樂事差須俸節搏縱然厨炊斷餓得未要桑邊逢趙盾
鄉花遍看此計足清勝圖空餅畫溷圖中梅假室梅真
相看莊叟忘言悅致書驛使問故園壅漑須勤視苗莠
他時草服賦歸來定爲踴蹕叩柴間

輓銀吏部文昭

壽汝難期艾我同溫于素壁秀青桐裴虬子宦貲遺斷
王粲徒稀書付空置酒無從歌玉羽牽車真欲淚金銅
關心猶有三山客嚮夕書來噩夢通

石君四月二日書
至云夢見君恐病

不吉也

賦得蟬響林逾靜

得林字

密樹炎囂遠清蟬借一吟何緣聲應律不動葉成陰五
月蜩鳴古三商榆影沉紡攄真軋軋琴靜似悄悄全別
蛙無禮須知螳不侵日斜微轉隙風定自虛林人跡來
頻佇山蹊杳愈深隱居精舍者妙聽若關心

雨後納何數峯乙未年所贈草屨作詩卽寄

散服爲稀剝啄門故人夙送草鞋存激廊穩襯前宵雨
好夢遲蘇吾檻瞰在笥七年驚服御斷書千里感寒溫
何時共踏黃雲去齒齒情怡亂石村

別來蹤跡渺難追寒歲相期見未遲好句君仍題月觀

無言我頗學桃椎抗顏却講輕于旆揮汗成書拭以絺
時方盛夏松子從遊真樂在不須浪說圯橋師

辛丑六月十一日伊用侯比部以詩見投輒和韻

奉答

烏村石畔不逢君千里家駒顧冀羣

余因令嗣秉綬獲交于君

奇字

纔驚文考賦勁篇還愛老蘇文兩頻離別忻停棹

時令子將

還寧化

泥濁過從怖觸雲最感新詩吟贈夜一輪斜上欠

三分

笥河先兄于六月二十一夜感疾至二十七日長

逝此詩蓋絕筆也讀之感愴曷勝鵲原之遺音矣

弟珪謹識

筍河詩集後跋

予既鈔先兄筍河詩自甲子至于辛丑釐爲二十卷刻之矣先兄之詩已得十之七其諸未刻者或係一時酬應游戲之作汰其三其不可辨者皆一一推詳校正蓋惟予知兄之字跡并其所讀之書所構之意必求其確然可信者皆予辛酉春三月躋卧床榻夜半披衣一一磨切而有當于心者其稿歸之子姪錫庚庚攜之至山西繕爲清本越癸亥冬庚姪假來京仍請予爲之校譌訂是然後授梓蓋甲子之春始繕爲定本二十卷覆取讀之則排纂生創龍翔虎躍而無一字一韻不歸于安

帖者益嘆兄之才力卷軸真不可及也此不可無一不能有二之作以視珪之詩則直平平無奇駘足之望千里矣顧余生平山之詞華者必本之情性亦不敢爲支誕之言耳而視兄之恢奇萬狀真不能規摩神工天巧得之意匠之表者矣惜乎天嗇其年不及見其反于平淡自然之境也蓋珪之詩多在兄歿之後二十餘年之作不及就正于吾兄已爰叙其顛末而愴然不能無槩于予心時嘉慶甲子三月二十六日珪謹跋于西園之退思齋

誥授中議大夫翰林院編修前

日講起居注官翰林院侍讀學士加二級竹君朱公
墓誌銘

珪自去年八月十四日聞予兄竹君之病狀于汀
十六日忽得凶耗哭失聲旣而得姪錫卣等所爲
行述且曰明春將葬叔其爲銘嗚呼已矣珪悔不
從兄學古文而何以銘吾兄耶公諱筠字竹君一
字美叔號筍河順天大興人先世德三公居浙蕭
山之黃閣河當明洪永間德三公之曾祖福三公
南宋時初居越寨自上無徵矣由德三公而下皆

葬西山世業農八世至高祖諱尙綱公明末官遊
擊亦不詳其地曾祖諱必名祖諱登俊起家湖廣
長陽四川珙縣知縣卒官中書科中書舍人先考
諱文炳年十七入籍大興爲諸生官陝西藍屋縣
知縣累封至中憲大夫福建糧驛分巡道曾祖考
三世皆

誥贈通奉大夫山西布政使司布政使曾祖妣白氏祖
妣何氏馮氏先妣徐氏皆

誥贈夫人外王父諱覺民公康熙甲午舉人以珪奏請
貤贈中議大夫翰林院侍講學士加二級外王妣史氏

贈淑人先妣生子兄弟四人長兄堂原在陝西大荔
縣縣丞

贈封中憲大夫

日講起居注官

文淵閣直閣事翰林院侍講學士加一級仲兄垣辛
未科進士歷官山東濟陽長清二縣知縣以公請
贈奉直大夫翰林院編修加三級其次公行五珪其
季也女兄弟六人公生而神慧長珪二歲皆生于
盤屋九歲至京師十三通五經學爲文十五文成
斐然先大夫喜賜之硯其年癸亥七月先妣見背

公與珪同卧起夜讀古書手鈔默誦雞鳴不休明年珪遂病而公愈強力乙丑孟冬服除應郡試府丞石首鄭公其儲擢珪第一公稍次偕謁鄭公笑曰是皆美才弟可先兄耶告之學使少司農臨桂呂公熾十二月院試擢公第一面試鵬翼搏風歌大奇之徧告諸公明年正月大尹常州蔣公炳邀其同鄉劉文定公綸程文恭公景伊錢文敏公維城今侍郎莊公存與及其弟培因設筵召予兄弟面試劉公授題崑田雙玉歌詩成諸公驚喜明日皆先來就訪明年珪竊科名而公學日以富庚午

鄉試編修嘉興鄭公虎文薦公卷不售名益振諸
城劉文正公延之家修

盛京志乾隆十八年癸酉舉於鄉同考官編修建昌
饒公學曙座師協辦大學士吏部尙書興縣孫文
定公嘉淦禮部侍郎滿洲嵩公壽明年甲戌中會
試式同考官贊善溧陽史公奕簪座師大學士海
寧陳文勤公世倌禮部侍郎滿洲介公福內閣學
士錢公維城

殿試

賜莊培因榜進士出身改庶吉士丁丑散館授編修充

方畧館纂修官辛巳充會試同考官甲申丁先大
夫憂珪自閩奔喪歸與公聚首者三年公自爲諸
生即授弟子至是從遊者數十人丙戌歲杪服闋
公欲不出而爲名山大川遊已告假矣明年正月
珪服除詣

宮門

召見

上詢家事始知兄名曰編修無定額汝兄已補官不比
汝需缺也珪未卽對

上曰非耶珪謹唯曰是出則告之翰林院取公假呈以

歸曰兄實無疾倘

上再問不敢欺也強爲弟起公不答旣而听然曰汝敗我雅興矣是冬授贊善明年五月

御試二等擢翰林院侍讀學士旋充

日講起居注官戊子科順天鄉試同考官三十四年
欽派協辦內閣學士批本事充己丑科會試同考官庚
寅奉

命爲福建鄉試正考官辛卯會試同考官至是

上知公深歲持文柄所得士多著名公益卓然以韓歐
陽蘇自任振起古學擬藉寒畯有一善者譽之如

不及天下之士翕然稱之曰竹君先生是秋奉

命視學安徽安徽故有樸學公躬拜奠婺源故士江永
汪紱之主祠之鄉賢以勸乃教士曰讀書不可不
識字爲刻舊本許氏說文解字揭以四端曰部
字體音聲訓詁又曰稽古莫如金石文可証經
之謬所在披剔榛莽聚至千種時

上方詔求遺書公奏言翰林院庫貯明永樂大典中
逸書宜就加採錄

上覽奏異之亟下軍機大臣議行

御製七言八韻詩紀其事乃

命纂輯四庫全書得之大典中者五百餘部皆世所不傳次第刊布海內實公發之也公又言請倣漢唐故事擇儒臣校正十三經文字勒石大學奉

硃批候朕緩緩酌辦癸巳春仲兄卒其秋以某生欠考事部議降級得

旨朱筠學問尙優加恩授編修在四庫全書處行走比歸總辦日下舊聞纂修事是時金壇于文襄公敏中掌院爲總裁于公直軍機凡館書稿本披覈辨析苦往復之煩意欲公就見面質而公執翰林故事總裁纂修相見于館所無往見禮訖不肯往愛

公者強拉公至西園相見公持論侃侃不稍下金
壇間爲

上言朱筠辦書頗遲

上曰命蔣賜棨趣之時蔣公以舊侍郎直

武英殿真

特恩也乙未珪自山西歸復入翰林從容爲公言宜稍
和同者公曰子亦作是言耶珪心愧之先是珪與
公同官翰林共車馬者七年至是比鄰居宅後可
通往來而伯兄居老屋對門珪自名所居曰鄂不
草廬公旣久次望益重則大言翰林以立品讀書

爲職終歲足不至達官門惟門生好友醺酒必應
輒盡醉乃罷聚書至數萬卷種花滿徑來請益者
不拒考古著錄窮日夜不倦古文以鄭孔經義遷
固史書爲質醜縷鉅細事辨時地其氣勃出成一
家言賦則陽張陰關馬揚以下不道也前後遇

大典禮告成祝

釐宣

上功德鴻篇與冊褒然推首詩初學昌谷昌黎五言力
逼漢魏旣而導滙百家變化創闢神明獨得制義
自荆川震川而下貫弗數萬篇與古文爲一書法

則一本六書自然勁嫻蓋公之學與年進海涵
蠶不足喻其所蘊也四十四年八月

特旨以公督學福建時珪方典閩試閩人士聞公來無
不抃舞珪與公相遇于石門舟次公至閩一以經
學六書口講指畫示以鄉方閩清某生爲攝令某
鍛鍊殺人公發其覆大吏雪之扶持士氣行義若
渴重倫節勸懲有加焉暇則搜奇广洞徧著手蹟
明年秋

上以珪代公興數也公題使院之寢曰韓雅十一月十
八日珪至與公對床者半月公曰則出至他館應

酬諸生手不停筆夜歸談盡三鼓復作詩文竟夜
珪曰宜少惜精力公不厭也十二月三日送公于
芋原舟次公淚下珪曰兄今與伯兄聚比三年珪
卽還耳嗚呼孰知其爲永訣耶明年二月復

命

上溫霽詢諭人以爲必嚮用也公素強固性喜山水于
黃山再登其巔觀雲海于圍之武夷男崩玉華諸
名勝皆躋探峻幽從者執焉六月二十一日夜忽
遭痰疾翼日漸瘳二十六日疾復作夜四鼓遂卒
公生於雍正七年六月六日丑時卒於乾隆四十

六年六月二十七日丑時年五十有三。是月蕭山始祖墓有古松高五六丈。大風折其末丈餘。非偶然也。四方之士知者痛惜如失。所杖公孝友直諒恬淡達觀。不愧所學。在安徽時奏以本官

貤贈庶祖妣李氏爲淑人得

旨准行貤贈之廣。自此始。李太淑人撫視珪者也。公書來曰。我爲弟成此志。所著古文數百篇。古今詩數千首。他文稱是。皆可必傳於後。娶王氏

敕封安人。例封淑人。故分巡道銜加四級寶坻諱前公女生子二。長錫。尙府學生。娶候選州同知天津徐

公大李女次錫庚府學生娶丙戌進士掌廣西道
監察御史錢塘施公學濂女女子五長適候選布
政司經歷陽湖龔怡次適甲午科舉人通州魏紹
源三適國子監生大興徐焯四適府學生大興翁
樹端五待字孫二勸博女孫一俱錫卣生乾隆四
十七年壬寅 月 日葬于西山二老莊祖塋
之北銘曰

尊源三江降神盤屋日下騰騰名符其實家無長
物擁經抱書大言炎炎獨出古初羣雅幅奏問奇
載酒忘其飢渴不管其口恬於榮利恥于繫援開

徑交柯落花無言雲海黃嶽天舟武夷謫仙遊戲
騎麟不羈颺風何來撼我宰木連枝中披得不抱
哭公名在世公神何往嗚呼後死吾歸曷傲西山
之麓先塋之右誌此幽砥千秋不朽

乾隆壬寅月

日提督福建學政日講起居

注官少詹事弟珪撰